

REGIONAL NEWS UNIT
ALL INDIA RADIO, AGARTALA
Date:21-09-2024
Time: 07.35-07.40 AM Hrs
BENGALI MORNING BULLETIN

3 days US visit of PM :

তিন দিনের সফরে আজ ভোরে আমেরিকার উদ্দেশে রওনা হন প্রধানমন্ত্রী নরেন্দ্র মোদী । মার্কিন প্রেসিডেন্ট জো বিডেনের নিজ শহর ডেলাওয়্যারে উইলমিংটনে কোয়াড সামিটে অংশগ্রহণের মাধ্যমে তিনি তার সফর শুরু করবেন। QUAD গ্রুপের অন্যান্য সদস্যদের নেতাদের সহ প্রেসিডেন্ট বিডেনের সাথে তার একটি দ্বিপাক্ষিক বৈঠক করার কথা রয়েছে। এরপরে, প্রধানমন্ত্রী নিউইয়র্কে যাবেন যেখানে তিনি এই মাসের ২২ তারিখে ভারতীয় প্রবাসীদের সাথে মতবিনিময় করবেন।

CM-Urban Development :

মুখ্যমন্ত্রী অধ্যাপক ডাঃ মানিক সাহা বলেছেন, রাজ্যে ১২টি শহরে পরিকাঠামো উন্নয়নে এশিয়ান ডেভেলপমেন্ট ব্যাংকের আর্থিক সহায়তায় মোট ৫৩০ কোটি টাকা ব্যয় করা হবে। যারমধ্যে পানীয়জল সরবরাহ ব্যবস্থা উন্নতির জন্য প্রথম পর্যায়ে ৩৩০ কোটি টাকার অনুমোদন দেওয়া হয়েছে। গতকাল উদয়পুর রাজর্ষি কলাক্ষেত্র প্রাঙ্গণে রাজ্যের ১২টি শহরে মুখ্যমন্ত্রী নগর উন্নয়ন প্রকল্পে পানীয়জল সম্প্রসারণ প্রকল্পের ভিত্তিপ্রস্তর স্থাপন ও

পানীয়জল সম্প্রসারণ মডেলের আবরণ উন্মোচন করে তিনি একথা বলেন। এ-ডি-বি-র নির্দেশিকা অনুযায়ী এই কাজ আগামী ৩৬ মাসের মধ্যে শেষ করতে হবে। এই প্রকল্পের কাজ শেষ হলে ৭৫ হাজার পরিবারের প্রায় ৪ লক্ষ নাগরিক উপকৃত হবেন।

100 days of department of Commerce :

বাণিজ্য দপ্তর এনডিএ সরকারের তৃতীয় মেয়াদের প্রথম ১০০ দিনে উদ্ভাবনী সমাধানের মাধ্যমে রপ্তানিকারকদের ক্ষমতায়ন, প্রক্রিয়া সুগমকরণ এবং অর্থনৈতিক প্রবৃদ্ধির উপর গুরুত্ব আরোপ করেছে। বাণিজ্য ও শিল্প মন্ত্রণালয়, এক বিবৃতিতে বলেছে যে এই সময়ের মধ্যে, রপ্তানি বাড়ানোর জন্য বেশ কয়েকটি উদ্যোগ নেওয়া হয়েছে। মন্ত্রক আরও জানিয়েছে যে রপ্তানি বাড়ানোর জন্য, সরকার MSME রপ্তানিকারকদের জন্য বর্ধিত বীমা কভার চালু করেছে, যা কম খরচে ২০ হাজার কোটি টাকার ঋণ প্রদান করবে বলে আশা করা হচ্ছে।

Foundation Stone Laying programme of Anganwari Centre at kalashi VC under Jolaibari Block :

এক অনুষ্ঠানের মাধ্যমে গতকাল জোলাইবাড়ি ব্লকের কলসী ভিলেজের পুত্রহাম পাড়ায় পিএম জনমন প্রকল্পে বৃক - সম্প্রদায়দের ছেলেমেয়েদের পড়াশোনা করার জন্য একটি অঙ্গনওয়াড়ি কেন্দ্রের শিলান্যাস করেন TRP & PTG

দপ্তরের মন্ত্রী শুক্লাচরন নোয়াতিয়া স্হানীয় জন
প্রতিনিধিরা সহ জোলাইবাড়ি সুসংহত শিশু বিকাশ প্রকল্পের
প্রকল্প আধিকারিক দেবাশীষ রায় প্রমুখ অনুষ্ঠানে উপস্থিত
ছিলেন।

Maan Ki Baat :

প্রধানমন্ত্রী নরেন্দ্র মোদি এই মাসের ২৯ তারিখ, রবিবার
আকাশবাণীতে মন কি বাত অনুষ্ঠানের ১১৪তম পর্বে দেশ-
বিদেশের জনগণের সঙ্গে তার চিন্তাভাবনা ভাগ করে
নেবেন। 1800-11-7800 এই টোল ফ্রি নম্বরে জনগণ
তাদের মতামত এবং পরামর্শ পাঠাতে পারেন। 1922
নম্বরে মিস কল দিয়ে প্রাপ্ত লিঙ্কে এসএমএসে করেও
পরামর্শ পাঠাতে পারেন। নরেন্দ্র মোদী অ্যাপ বা MyGov
ওপেন ফোরামের মাধ্যমেও মতামত পাঠানো যাবে। আসন্ন
পর্বের জন্য পরামর্শ এই মাসের ২৭ তারিখ পর্যন্ত গ্রহণ
করা হবে।

Assam Rifles :

ত্রিপুরা পুলিশের সঙ্গে যৌথ অভিযানে আসাম রাইফেলস
বৃহস্পতিবার মাদক বিরোধী অভিযানে বড় সাফল্য
পেয়েছে। আসাম রাইফেলস গতকাল এক বিবৃতিতে
জানিয়েছে, তেলিয়ামুড়ায় একটি লরিতে তল্লাশি করে ৯০
হাজার ইয়াবা ট্যাবলেট উদ্ধার করা হয়েছে। এর
বাজারমূল্যে ১৪ কোটি চার লক্ষ টাকা। এই ঘটনায়
একজনকে আটক করা হয়েছে।

Deputation at Sabroom :

বন্যাদূর্গত মানুষদের দ্রুত সরকারি সুযোগ সুবিধা সহ ১১ দফা দাবিতে গতকাল সাব্রুম মহকুমা শাসকের কাছে ডেপুটেশন দিল সারা ভারত কৃষক সভা, খেতমজুর ইউনিয়ন ও উপজাতি গনমুক্তি পরিষদ। মিছিল করে মহকুমা শাসকের অফিসে গিয়ে ১১ দফা দাবিসনদ মহকুমা শাসকের হাতে তুলে দেন ৫ সদস্যের এক প্রতিনিধি দল। মহকুমা শাসকের অফিসের সামনে ১১ দফা দাবির সমর্থনে বক্তব্য রাখেন প্রাক্তন বিধায়ক প্রভাত চৌধুরী ও খেতমজুর ইউনিয়নের সাব্রুম মহকুমা সম্পাদক চিত্তরঞ্জন বসাক।

Ayishman Bharat PMJAY :

কেন্দ্রীয় স্বাস্থ্যমন্ত্রী জগৎ প্রকাশ নাড্ডা গতকাল জোর দিয়ে বলেছেন যে এনডিএ সরকার দেশে কর্মক্ষমতা, জবাবদিহিতা এবং লাস্ট মাইল ডেলিভারির রাজনীতি নিয়ে এসেছে। নয়াদিল্লিতে সংবাদ মাধ্যম কে তার মন্ত্রকের সাফল্যের বিষয়ে বলার সময়, শ্রী নাড্ডা বলেন সরকার আয়ুষ্মান ভারত-প্রধানমন্ত্রী জন আরোগ্য যোজনা স্প্রসারিত করার জন্য একটি গুরুত্বপূর্ণ সিদ্ধান্ত নিয়েছে। আর্থ-সামাজিক অবস্থা নির্বিশেষে ৭০ বছর বা তার বেশি বয়সী সকল ব্যক্তিকে অন্তর্ভুক্ত করার সিদ্ধান্ত। তিনি বলেন, এর লক্ষ্য বিনামূল্যে স্বাস্থ্য বীমায় পাঁচ লাখ টাকা মাধ্যমে ছয় কোটি প্রবীণ নাগরিককে উপকৃত করা। শ্রী

নাড্ডা জানিয়েছেন যে সম্প্রসারিত প্রকল্পটি আগামী মাসে বাস্তবায়িত হবে। তিনি গত ১০০ দিনে সরকারের নেওয়া বেশ কয়েকটি কল্যানমূলক পদক্ষেপের কথা তুলে ধরেন।

Michael Madhusudan Datta :

মাইকেল মধুসূদন দত্তের দ্বিশত জন্মবর্ষ উপলক্ষে আজ থেকে দুই দিনব্যাপী কর্মসূচি গ্রহণ করা হয়েছে। গতকাল আগরতলা প্রেসক্লাবে মাইকেল মধুসূদন দত্ত দ্বিশত জন্মবর্ষ উদযাপন কমিটির আহ্বায়ক শুভব্রত দেব এক সাংবাদিক সম্মেলনে জানান, আজ সন্ধ্যায় রবীন্দ্র শতবার্ষিকী ভবনে কর্মসূচির আনুষ্ঠানিক উদ্বোধন করবেন উড়িষ্যা হাইকোর্টের প্রাক্তন প্রধান বিচারপতি শুভাশিস তলাপাত্রা। আগামীকাল আলোচনাচক্রে প্রধান বক্তা হিসেবে উপস্থিত থাকবেন বিশ্বভারতীর অধ্যাপক অমল পাল।

Weather :

আজ আকাশ অংশত: মেঘাচ্ছন্ন থাকবে। দু'এক জায়গায় বজ্রবিদ্যুৎ সহ হালকা থেকে মাঝারি পর্যায়ে বৃষ্টিপাতের সম্ভাবনা রয়েছে। আজ দিনের তাপমাত্রা সর্বোচ্চ ৩৭ ডিগ্রি এবং সর্বনিম্ন ২৮ ডিগ্রি সেলসিয়াসের কাছাকাছি থাকবে। আজ ভোরে সর্বনিম্ন তাপমাত্রা ছিল ২৭ .৬ ডিগ্রি সেলসিয়াস।

* * * * *

